

西北稀見叢書文獻

第十卷

中國西北文獻叢書



中國西北文獻叢書·第二輯

西北稀見叢書文獻

第十卷



關中叢書目錄

第五集

古今事物考四卷

明王三聘

一

豳風廣義三卷

清楊岫

一一〇

水利議一卷
續漢書郡國志釋略一卷

清張鵬飛
毛昌傑

一九一

立政臆解二卷

清劉光蕢

二二二

味經書院志一卷

前人

二七四

秦邊紀略六卷

清無名氏

三〇四

關中叢書

古今事物考

邵力子署

陝西通志館印

重刻古今事物考序

文以載道亦以紀事凡書籍之設原期有益於世也蓋屋舊附周京漢唐號稱名邑宜乎文獻繁盛可與海內名邦大都並駕齊驅乃因明季之變一切著作盡燬於兵至今不能無殘缺之憾予欲廣爲搜羅以復其盛故每於延見士夫之下詳加採訪既得李處士顥二曲集趙孝廉涵石墨鐫華二書一談性命一論典故均有裨於後學因廣爲流布又得王兩曲先生古今事物考一書其書上自天文地理之天下及昆蟲草木之細以至人生日用宮室飲食之繁無不畢備較他書甚爲簡括洵盛集也今夫道在天古今事物考

序

關中叢書

地之間原散見於事物事有所由始物有其本原果於事物之理知明處當其于道也庶幾矣此書一事一物莫不窮原溯始考核精詳謂之談性命也可即謂之論典故也可可雖爲紀事實即載道洵學者之所宜有而不可少者也因詢訪於其族孫王卦王宣猷而於嫡孫王生學詩處得其舊板惜經兵燹之後亡失過半即其所存者亦多朽蛀不堪復識予乃依所得舊本捐貲剞劂俾與二曲集石墨鐫華二書流布藝林同爲後學之一助云兩曲蓋屋人諱三聘字夢莘登嘉靖乙未進士累官至四川僉事性剛毅所至有政聲著有五經集錄小學集註性理字訓字學

大全子史節錄禹貢註解諸書詢諸後裔而云雕板盡缺予欲搜覓舊本並行補刻行世未識得如所願否也因并及之

乾隆十四年歲次己巳仲秋月中浣文林郎知陝西西安府整屋縣事加一級後學鄒儒企嶧氏謹書

古今事物考

序

二

關中叢書

刻事物考序

既就仕有耽詩書好文字或者謂非政宜也然余有說焉貴人得意有所變遷則於此或厭之而日纏文案簿書填綏則又厭此甚也亦何其俗煩若是者內江何君之來蒞吾邑也謙虛仁厚常自抑損率廉與信有可以安利於人者行之堅勇不俟終日而事已就故清寧平夷遇諸文士談理道講製作所弗厭倦宜也既以縣志延兩曲王氏成之取焉因探其平日著作而王氏應之曰他無有也自謝交遊嘗讀古經史中或見一物一事考出處始末輒手記之亦有事矣抵此爲玩心目辭歲月他不敢苟有論說也

古今事物考

序

一

關中叢書

何君又閱之取焉命就諸梓更囑以序所注因嘆夫作者之志凡以明道也道寓於物物見於事本諸一身而達之天下皆是也日用飲食之而不知卽淺近者蔽矣矧天地陰陽禮樂之度數昆蟲草木之蕃息諸凡深遠而不可易解者耶雖今之學仕進者不由此道若欲爲古之賢人君子則未有不通此而能卒其業成其名也夫惟其事物之紛紜畔散不屬而學之日見荒蕪轉困勞甚故孔門師弟子以格致之說爲大學要領務張而明之與有門戶可從入也王氏宗孔氏并諸儒書但開卷必旁引廣搜尋名取義凡有關涉窮宇宙間無細大咸能辨之卒成篇釋誠博

物君子也斯其不尙詞華不專章句而要皆明道以有補後學多矣然非何君性能而好之則奚暇收以錄焉借琴書以益思興懷類非今之長人者之志誠知言樂道者哉何君名進士諱起鳴號來山余亦並列篇端以自託諸不腐云

嘉靖癸亥年孟秋朔日尋樂山人趙忻著

附錄本傳

王先生名三聘字夢莘別號兩曲盤屋城中人也天資剛毅明爽十齡去父承辛太孺人訓爲學惟求大義不事章句之末督學敷公異之批其卷曰氣朝霄漢嘉靖辛卯登虎榜第二名乙未題龍榜乞歸省書曰伸之則忠有餘日屈之則孝不及時蓋迫于不容已矣丁酉直指戴公上太孺人節孝奉旨建坊翰林檢討元正王公爲之傳載通志戊戌授大理評事獻獄明允已亥覃恩封贈父母癸卯擢河南僉事兼理屯驛剔影射省接應克稱厥職甲辰丁母憂哀毀骨立服闋補四川僉事世廟以先生有文武才諭

曰西南荒徼民蠻雜處卿寬嚴相濟恩威互施罔剛愎自用罔因循姑息事無論大小卿斟酌而行勿替朕命欽哉欽哉謹之慎之此勅會蠻猖獗先生區畫安撫而同寮者心害其能讒先生以怯遂浩然東歸清風兩袖囊無一物然持身孝親愛民忠君之志究未忘也林下三紀不輕謁有司買田一所左立宗祠以奉先靈思親不置右立義學以啓後進惟問真才前爲荷池而荷有並頭萬曆癸酉猶子櫟從孫正己同捷秋闈並官邑令人謂瑞蓮不虛後爲義田以周宗族鰥寡孤獨皆受其恩邑有賄賦入千兩先生痛切于懷兩詣闕陳書爲民除害陽化鋪渠原無故道

古今事物考卷一

天文

天 朱子曰邵子皇極經世書以元統會以會統運以運統世三十年爲一世十二世爲一運三十運爲一會十二會爲一元一萬人百年爲一會初間一萬人百年至子而天始開

日月 唐孔氏曰積陽之熱氣生火火氣之精者爲日說卦曰坎爲水爲月月水之精也淮南子曰日中有踰鳥謂三足鳥也論衡曰鳥日氣也西陽雜俎曰佛氏言月中所有乃大地山河影或言月中蟾桂地影空處水影古今事物考 卷一 關中叢書

也月中有兔與蟾蜍何月陰也蟾蜍陽也而與兔並明陰係于陽也

星辰 說文曰萬物之精上爲列星馬摠通曆曰地皇氏定皇辰後漢志注曰黃帝分星次凡中外官常明者百二十四可名者三百二十微星萬一千五百二十禮記云帝嚳能序星辰蓋地皇氏始定爲星辰黃帝又名之至嚳而序也

風雷 橫渠張子曰陰氣凝聚陽在內者不得出則奮擊而爲雷霆陽在外者不得入則周旋不舍而爲風淮南子曰陰陽相薄爲雷激揚爲電

潦則散溢妄行蕩民田舍先生決排注渭水患以去邑侯有疑難必就先生而咨謀焉先生念民苦必向邑侯而痛陳焉不染習俗不邇財色光明磊落表裏如一自幼至老始終不二邑尊沁水李侯春芳內江何侯起鳴馬侯魯卿皆進士名宦登堂請教何侯仕至貴州撫院工部尙書猶遣人致意先生疾革遺屬曰文勿雕組行勿浮澆惟明大義以求有用是實學也是本領也既沒博興顧侯連璧統寮屬弔哭盡哀令闔署人役悉奔喪頂孝公堂不禁三日內弔客數千哭聲盈野先生平日著述有整屋縣志字學大全事物考終南仙境志古今類言策隨小學注解性理古今事物考 傳 二 關中叢書

字訓主意子史筆錄諸書行世子旃孝廉胞姪旂新野主

簿此傳係先生人世孫作新求邑人徐九徵所作九徵字斯未號野史

雲雨 張子曰陽爲陰累則相持爲雨而降陰爲陽得則飄揚爲雲而升春秋題辭曰山氣也觸石而起謂之雲黃氏曰地氣上騰天氣下降故蒸滃而成雨霜露 大戴禮曰陰氣勝則凝而爲霜陽氣勝則散爲雨露朱子曰霜只是露結成

雲霧 張子曰陰陽和而散則爲霜雪雨露爾雅曰地氣發天不應爲霧論衡曰夏則爲露冬則爲霜溫則爲雨寒則爲雪雨霧凍凝者皆由地發不從天降

霰雹 洪範五行傳曰陰陽相脅而雹霰盛陰雨雪凝滯而水寒陽氣薄之不相入則散而爲霰盛陽雨水溫暖

古今事物考

卷一

二 關中叢書

而湯熱陰氣脅之不相入則轉而爲雹

虹蜺 蔡邕月令章句曰陰陽交接之氣著于形色者雄

曰虹雌曰蜺

陰陽 春秋內事曰伏羲氏定天地分陰陽

五行 史記曆書曰黃帝建立五行起五部應劭曰金木

水火土也

晝夜 通曆曰地皇氏爰定三辰是分晝夜

刻漏 黃帝刻漏水制器以分晝夜周禮有挈壺氏掌之以百刻分晝夜

甲子 月令章句曰天皇始制干支之名以定歲之所在

又云黃帝命大撓探五行之情占斗罡所建作甲乙以名日謂之干干幹也亦曰十母作子丑以名月謂之支支枝也亦曰十二子支幹相配以成六旬

歲 黃帝定星曆正閏餘以肇歲事至堯始定四時成歲閏 史記曰黃帝起消息正閏餘則閏蓋餘分之月也黃帝造曆始正之

時節 書曰堯命羲和定四時春秋內事曰伏羲建分入節以應天氣

氣候 董巴議曰伏羲造八卦作三畫以象二十四氣禮

記月令注曰周公作時訓定二十四氣分七十二候蓋

古今事物考

卷一

三 關中叢書

一月二氣六候如正月二氣立春雨水六候東風解凍蟄蟲始振魚陟負冰獺祭魚候雁北草木萌動是也餘倣此

十二辰 事始曰黃帝立子丑十二辰以名月又以十二名獸屬之

星官 後漢志曰軒轅始受河圖鬪苞授規日月星辰之

象故星官之書自黃帝始至高陽氏乃使南正重司天

分野 王子年拾遺記曰庖犧視五星之文分野之度

渾儀 春秋文耀鉤曰唐堯卽位羲和立渾儀劉氏曆曰

高陽造渾儀黃帝爲蓋天則渾儀始于高陽氏也至舜

則璇璣玉衡以齊七政

曆 易乾鑿度曰曆原名握先注云握先爲曆始之名猶言無前也沿革曰黃帝考定星曆建五行起消息正閏餘謂之調曆後代因之

納音 鬼谷子作納音其法以千支行數合之以五數除之零數爲納音火一土二水五互用木三金四不移蓋言納者受也音者感物助聲也五行中火本無聲借水擊則火沸金本無聲借火煉則剛水本無聲借土則壅皆發聲也惟金木有自然之聲不擊而響故曰納音

地理

古今事物考

卷一

四

關中叢書

地 朱子曰天開於子又一萬八百年至丑而地始闢

川嶽 王子年拾遺記曰庖犧審地勢以定川嶽

山谷 遁甲開山記曰麗山氏產生山谷肇今自此其始也

石 物理論上精爲石石氣之核也氣之生石猶人筋絡之生爪牙也抱朴子曰燒泥爲瓦燔木爲炭蜂窠爲蠟水沫爲石皆柔脆變爲堅剛

池 黃帝破蚩尤而爲池沼蓋始于此

泉 通鑑曰神農察水泉甘苦令人知所避就

井 荊州記曰神農既育九井自穿世本曰黃帝鑿井聚

民爲邑亦云伯益作井

四方 太乙金鏡經曰昔燧人氏仰觀斗極而定方名東西南北是也

地里 淮南子曰禹使大章步東西極二億二萬三千五百里七十五步豎亥步南北極二億三萬三千五百里七十五步按黃帝遊幸天下而有記里之車疑道路之紀以里堠起軒轅氏也

地圖 春秋元命苞曰神農世怪義生白阜圖地形脈水道注云怪義白阜母名呂東萊曰輿地有圖古也成周大司徒掌天下土地之圖以周知廣輪之數而職方氏古今事物考 卷一 五 關中叢書

之圖復加詳焉

輿地 人皇相厥山川分爲九區堯五服甸侯綏要荒舜十二州禹九州冀兗青徐揚荆豫梁雍及幽并營周畿內六鄉五家爲比五比爲閭四閭爲族五族爲黨五黨爲州五州爲鄉畿外六遂五家爲鄰五鄰爲里四里爲鄣五鄣爲鄙五鄙爲縣五縣爲遂秦四十郡漢十三都領一百三郡唐太宗置十道明皇分爲十五道宋四京東京開封西京河南南京應天北京大名并陝西永興軍共二十三路元立三臺十二省國朝初沿元制立行中書省于外以統府州縣州縣俱屬府縣或又屬州

或直隸省洪武七年以京畿應天等府直隸六部改行中書省爲浙江等十二布政使司永樂十八年革北平爲直隸添貴州雲南交趾宣德十年革交趾定南北二直隸十三布政使司

城池 神農之教有石城十仞湯池百步黃帝築邑造五城然則城池之制肇於神農盛於軒轅也

城郭 史記人皇兄弟九人分長九州各立城邑世本云堯命鯀治水築城以衛君造郭以守民一云鯀不作城爲郭而已

京都 世紀曰太昊都陳此稱都之初也夏曰夏邑商周古今事物考 卷一 六 關中叢書

曰京師

皇明京城 南京舊志六朝舊城近覆舟山去秦淮五里至楊吳時改築跨秦淮南北周迴二十五里洪武初益拓而東盡鍾山之麓周迴九十六里立門十三南曰正陽南之西曰通濟又西曰聚寶西南曰三山曰石城北曰太平北之西曰神策曰金川曰鍾阜東曰朝陽西曰清涼西之北曰定淮曰儀鳳後塞鍾阜儀鳳二門其外城則因山控江周迴一百八十里別爲十六門曰麒麟曰仙鶴曰姚坊曰高橋曰滄波曰雙橋曰夾岡曰上方曰鳳臺曰大馴象曰大安德曰小安德曰江東曰佛寧

曰上元曰觀音北京元志至元四年建大都城洪武初置北平布政司於此永樂七年爲北京十九年營建宮殿成乃拓其城周迴四十里立門九南曰正陽南之左曰崇文右曰宣武北之東曰安定西曰得勝東之北曰東直南曰朝陽西之北曰西直南曰阜成

省 自漢至唐有尙書省中書省元制天下立十二行中書省故今稱各布政司爲省

寺 自漢以來九卿所治之府謂之九寺其以官名寺自北齊始也

府 漢制三公開府故稱三府魏晉以後諸王又稱府唐古今事物考 卷一 七 關中叢書

高祖武德初邊鎮襟帶之地置總管府七年改曰都督府開元三年始改京兆河南曰府

州 項峻始學篇曰人皇九頭依山川土水之勢財度爲九州沿革曰黃帝分州畫野

縣 周禮四甸爲縣秦孝公并諸小鄉聚爲縣始皇以郡領縣隋文帝罷郡以縣隸州

郡 左傳曰上大夫受郡秦始皇并天下始分三十六郡唐高祖乃罷郡置州

邑 周禮四井爲邑左傳凡邑有宗廟先君之主曰都無曰邑十邑爲都

軍 周制一萬二千五百人爲軍宋制地要不成州而當
津會者則爲軍以縣兼軍使

鎮 通典曰鎮將後周之通班也隋亦曰鎮唐分上中下
三等歷代未聞疑鎮始于宇文周代也宋制民聚不成
縣而有稅課者則爲鎮或以官監之

鄉 周禮五州爲鄉畿內六鄉以爲軍政秦制大率十里
一亭十亭一鄉漢以屬縣

關 易繫辭神農氏重門擊柝以待暴客蓋取諸豫周官
司徒之屬有司關又有下士二人以譏察非常

市 易繫辭神農氏日中爲市致天下之人聚天下之貨
古今事物考 卷一 關中叢書

交易而退各得其所蓋取諸噬嗑

坊 漢洛陽故北宮有九子坊則坊名自漢有也

館驛 周禮地官凡國野之道十里有廬廬有飲食二十
里有宿宿有路室有委五十里有市市有候館候館有

積漢自鄭莊置驛以迎送賓客故後世亭傳有驛名通
典曰唐三十里置一驛其非通途大路則曰館由是通

謂之館驛元耶律楚材始定驛令請給官符印給牌劄
定分例國朝水驛置船陸驛置馬俱有廩餼

急遞 筆談曰驛傳舊有馬步急遞三等急遞最遽日行
四百里唯軍行用之熙寧中又有金字牌急脚如遞古

羽檄也日行五百里國朝置急遞鋪

道路 周禮夏官合方氏掌達天下之道路則道路自古
有之而職掌見于周也

封堠 拾遺錄曰禹治水所穿鑿處皆青泥封記今人聚
土爲界乃遺事也

階 韓詩外傳云鳳蔽日而至黃帝降于東階則階陛之
制黃帝爲棟宇則設之也

巷 姜原生后稷誕實之隘巷則帝嚳時已有名矣

御溝 宮中之溝旋繞于禁中水通于金水河者曰御溝
唐以前有之

古今事物考 卷一

九 關中叢書

金水河 帝王闕內置金水河表天河銀漢之義也自周
有之

浮橋 春秋後傳曰周赧王五十八年秦始作浮橋于河

上按詩大雅云造舟爲梁孫炎曰造舟比舟爲梁也比
舟於水加板于上今浮橋也疑周有事則造舟而秦乃
繫之

牆 淮南子曰舜作屋築牆茨屋令人皆知去嚴穴有室
家則牆起于此至夏太康始峻宇雕牆矣

藩籬 易曰羝羊觸藩疏云藩籬也左傳哀公十二年吳
人藩衛人之舍則藩籬之固室家三代之制也

臺榭 黃帝內傳帝既斬蚩尤因立臺榭唐以來砌臺以爲臨觀之景

苑囿 人皇以九州爲九囿此名囿之始也國朝北京皇城內置西苑中有太液池瓊華島上有廣寒殿京城外置御馬苑大小二十所相距各三四里置南海子養禽獸種蔬菓中有海子大小凡三其水汪洋若海以禁城比有海子故別名曰南海子

園圃 韓詩外傳曰黃帝時鳳止帝東園莊子曰黃帝之圃此名園圃之始也國朝洪武初置漆園桐園櫻園于鍾山之陽內植此木各萬株以備油漆櫻纜用造海運

古今事物考

卷一

十 關中叢書

及防倭戰船而省民供焉

地畝 通典曰黃帝始立步制畝是田以畝計起自軒轅也唐高祖始定度田之法五尺爲步二百四十步爲畝百畝爲頃

民田 文獻通考曰唐始使民得立券自賣其田而田遂爲私田此說亦未深考如蕭何買民田自污貢禹被召之日賣田百畝以供車馬自漢以來民得自買賣田土矣

阡陌 商君傳曰商鞅相秦孝公壞井田開阡陌

時令

正月 夏正建寅易說卦云帝出乎震則正自伏羲始也秦始皇諱政故音從征

賀正 通典曰漢高帝十月定秦遂爲歲首七年長樂宮成制羣臣朝賀儀武帝改用夏正亦在建寅之朔則元日慶賀始于漢高祖也

春牛 前十二月建丑丑爲牛故出土牛以送寒氣且升陽也周制出土牛以示農之早晚如立春在十二月望則策牛人近前示農早也在月晦及正月旦則居中示農平也近正月望則近後示農晚也按牛色以立春日爲法日干爲頭角耳色支爲身色納音爲蹄尾肚色如

古今事物考

卷一

十一 關中叢書

甲子日立春甲木青色子水黑色甲子屬金白色餘倣此

戴燕貼字 立春日剪綵爲燕簪釵頭以戴之貼宜春字于門觀歐陽公詩云共喜釵頭燕已來王沂公帖云寶字貼宜春則知相傳已久矣

幡勝 立春日後漢立春幡唐賜百官綵勝

春盤 立春日春餅生菜相饋食號春盤唐以前有之

春花 唐中宗令侍臣迎春內出綵花人賜一枝今迎春簪花本此

屠蘇 洪景廬曰元日飲屠蘇酒自小者起相傳已久後

漢李膺杜密同繫獄中元日飲酒曰正旦從小起董勛曰俗以少者得歲先飲之老者失歲故後屠蘇草菴名昔有居人於除夕以藥囊浸井中元日取水置酒樽飲不病疫

桃符 山海經曰東海度朔山有大桃樹其卑枝向東北曰鬼門萬鬼出入也有二神曰神荼鬱壘主閱領衆鬼害人者黃帝法而象之立桃版于門上畫二神以禦凶鬼故今桃符書二神字

鍾馗 唐逸史曰武德中終南進士鍾馗落第觸階而死賜綠袍以葬感恩誓除虛耗鬼後明皇夢之召吳道子蓬髮垂鬢左手捉一鬼右手剜鬼眼睛擘而啖之故今畫鍾馗像貼于門

畫雞 東方朔占書一日爲雞故今畫雞貼于戶上董勛曰正旦畫雞於門七日貼人於帳爲此也

爆竹 神異經曰西方深山中有人長尺餘犯人則病寒熱名曰山臊人以竹著火中爆有聲而山臊驚憚歲時記曰爆竹燃草起于庭燎

花勝 東方朔占書一日雞二日犬三日猪四日羊五日牛六日馬七日人八日穀其日晴所主物育陰則災晉

賈充夫人剪綵爲花勝或鏤金薄爲人象瑞圖之形是人日起于漢而綵勝起于晉也

觀燈 漢望日祠太乙自昏至明今上元夜遊觀燈是其遺迹唐勅金吾弛禁許三夜士女遊行謂之放夜宋增十七十八爲五夜

送窮 高陽氏子好衣敝食糜晦日巷死世以破衣糜粥棄于巷謂之送窮

中和 唐德宗勅四序嘉辰歷代增置漢宗上已晉紀重陽自今以二月一日爲中和節李泌請令文武百僚進農獻種陸王公戚里上春服士庶以刀尺相遺村社作

中和酒祭勾芒祈年穀

寒食 舊云寒食禁火起于晉介子推左傳史記並無子推被焚之事按周禮司烜氏仲春以木鐸徇火禁于國中蓋爲季春將出火也今準節氣寒食是仲春之末清明是季春之初則禁火乃周制也

拜掃 古無墓祭之文孔子許望墓以時祭祀漢光武詔諸將出征有經鄉里者有司給少牢令拜掃以爲榮唐明皇因近代寒食上墓相承爲俗詔編入五禮永爲定式漢明帝率公卿朝原陵如元會儀後漢亦有上陵儀然上墳之禮疑自是以來民間視上所行因習以爲俗

也

破散 後唐莊宗寒食出祭謂之破散故今人有破散之

語

風箏 漢高祖之征陳豨也韓信謀從中起故作紙鳶放之以量未央宮遠近欲穿地隧入宮中今謂之風箏

鞦韆 北方山戎寒食爲鞦韆以習輕趨齊桓公伐之始

傳中國唐明皇爲樂宮中呼爲半仙之戲一云正作千

秋字爲秋千非也本出自漢宮祝壽詞也後世語倒爲

秋千耳

被禳 三月初巳日爲上巳周禮女巫掌歲時以祓除疾

古今事物考

卷一

十四

關中叢書

病自魏以後但用三日不用上巳王羲之會于山陰蘭

亭修禊事也唐都人禊飲踏青

流杯 東晉對晉武帝問曲水事曰周公卜成洛邑因流

水以泛酒故逸詩曰羽觴隨流晉以來三月三日曲水

流杯卽其始也

粽子 續齊諧記曰屈原五月五日投汨羅江死楚人哀

之每貯米竹筒投祭漢建武中長沙歐迴見一人自稱

三閭大夫曰常苦蛟龍所竊更有惠者以楝葉塞筒五

綵絲縛之則蛟龍所憚也世以菰葉裹粘米謂之角黍

今粽子是也

百索 風俗通曰五月五日以五綵絲繫臂辟鬼及兵漢

以朱索桃印文施門戶今百索卽朱索之遺事也蓋始於漢本以飾門戶而今人以約臂相承之誤也

競渡 屈原投江人以舟楫拯之今競渡是其遺迹

遺扇 唐太宗是日賜長孫無忌楊師道飛帛扇各二枚

則端午以扇相遺自太宗始也

懸艾 師曠占歲病則艾草先生故今採艾懸於戶上以

禳毒氣

伏 伏者何也金氣伏藏之日也四時代謝皆以相生立

春木代水水生木立夏火代木木生火立冬水代金金

古今事物考

卷一

十五

關中叢書

生水立秋金代火金畏火故至庚日必伏庚金也自夏

至第三庚爲初伏第四庚爲中伏立秋後初庚爲末伏

故謂之三伏秦穆公始爲伏祠

乞巧 桂陽成武丁有仙道謂弟子曰七月七日織女當

渡河暫詣牽牛至今云織女嫁牽牛是夕婦女陳瓜花

于几筵言二星神會以綵縷望月穿針以綵縷過者爲

得巧之候則穿針乞巧始于漢也

盂蘭 孟蘭經曰目連母亡生餓鬼中佛言須十方衆僧

之力七月十五日具百味五果以著盆中供養十方大

德後世營僧尼供謂之盂蘭齋

翫月 唐明皇宮中翫月歐陽詹序云翫月古也冬則繁

霜大寒夏則蒸雲大熱雲蔽月霜侵人俱害翫秋之于

時後夏先冬八月于秋季始孟終十五于夜又月之中

稽之天道則寒暑均取諸月數則蟾魄圓

登高 九月九日九為陽數而日月並應俗嘉其名以為

宜于長久故燕享高會漢費長房謂桓景作絹囊盛茱

萸懸臂登高山飲菊花酒可消家厄故今人登高飲菊

酒帶茱萸囊

煖爐 十月一日為朔朝宋都人出城拜墳如寒食節有

司進煖爐炭民間置酒作煖爐會

古今事物考

卷一

十六

關中叢書

賀冬 地皇氏以十一月為冬至漢制冬至至陽生君子道

長始賀之一云始于晉武帝

臘 夏曰嘉平殷曰清祀周曰大蜡漢改為臘臘者臘也

獵取獸以祭先祖臘接也新故交接大祭以報功也冬

至後三戌為臘王者其行之盛日為祖終日為臘水始

于申盛于子終于辰故水行之君以子祖辰臘火始于

寅盛于午終于戌故火行之君以午祖戌臘木始于亥

盛于卯終于未故木行之君以卯祖未臘金始于巳盛

于酉終于丑故金行之君以酉祖丑臘土始于未盛于

戌終于辰故土行之君以戌祖辰臘臘祭先祖蜡報百

神同日異祭也蜡索也歲十二月合聚萬物而索饗之
始于周之蜡云

祀竈 世傳竈二十四日朝天白一歲事故夜祀之宋都

人帖竈馬于竈上以酒糟塗竈門謂之醉司命

驅儺 周官歲終命方相氏率百隸索室驅疫以逐之則

驅儺之始也

守歲 歲終一日為除日夜為除夕宋士庶之家圍爐團

坐達旦不寢謂之守歲夜祀其先長幼聚飲祝頌而散

謂之分歲

月惡 釋氏智論曰天帝什以大寶鏡照四大神州每月

古今事物考

卷一

十七

關中叢書

一移察人善惡正五九月照南瞻部洲故以此三月省

刑修善隋唐以來事佛甚謹著在法律遇此三月則禁

刑斷屠後人以其有禁刑之條故士大夫以此三月不

上官以其有斷屠之條宮中請俸遇此三月不支羊肉

錢其實沿唐朝故事而後人相傳以正五九月為凶月

而忌用

月忌 俗忌初五十四二十三年年月月在人間世傳指

為五鬼下哭以為極凶殊不知一月之內此三日微有

晦昧無大凶也於此三日只忌中官檢蓋宅舍安喪柩

放頓重物餘無妨也

人事

人 朱子曰天開于子地闢于丑又一萬八百年至寅而人始生

姓 通曆記人皇之後有五姓四姓七姓十二姓紀則姓之始疑起于此而帝王世紀至太昊始曰庖犧氏風姓也易類是謀曰黃帝吹律定姓疑姓自太昊始而黃帝定姓者因生賜姓之始也

氏 左傳曰天子因生以賜姓胙之土而命之氏蓋命氏之原尚矣天皇而降皆稱雖盤古之初亦曰氏也

名 帝王世紀曰神農母名女登左傳曰太皞以龍紀官古今事物考 卷一 十八 關中叢書

故爲龍師而龍名則名疑始于伏羲氏之前

字 帝王世紀曰少皞帝名摯字青陽則自金天氏始爲字也

君臣 典略載云孫瓚表曰皇羲已來始有君臣上下之事由是推之天皇以降雖有其分固亦略矣至太昊始正之也

皇 項峻始學篇曰天地立有天皇此稱皇之始也

帝 庖犧氏繼天而王爲百王先帝出乎震未有所因此稱帝之始也

王 夏商之前皆稱帝自周始專稱爲王然夏啓甘誓稱

王曰嗟仲虺誥湯曰惟王不邇聲色則夏商雖號帝亦稱王也

皇帝 世皇帝記曰五帝之初有天黃皇帝呂刑曰皇帝清問下民蓋周穆王氏以言唐堯也秦初并天下李斯采上古位號號曰皇帝始皇自以德兼三皇五帝故兼稱之

太上皇 丘氏曰太上皇之稱始見于秦然秦以追尊其既死之父高祖乃以尊其父之生也後世遂祖之以爲極尊之稱

皇太子 韓詩外傳曰唐虞以上傳賢夏商雖傳之子至古今事物考 卷一 十九 關中叢書

周始見文王世子之制武王繼之稱太子發漢書高祖紀漢王卽皇帝位尊太子曰皇太子漢景帝廢太子榮爲臨江王後世人主廢太子始此

皇后 春秋命曆曰人皇九人別長九州離艮地精女出爲后此稱后之始云初學記曰夏殷以前大率稱妃周則天子立后正嫡曰王后秦稱皇帝正嫡始曰皇后漢因之景帝廢太后薄氏後世人主廢后始此

皇太子 秦本紀曰昭王母芈氏號宣太后是太后之號始于此也漢因秦故尊母曰皇太后

太皇太后 漢因秦事母號皇太后故尊祖母曰太皇太

后按景帝二年孝文太后崩高祖薄后也景帝祖母爾時未號太皇司馬遷於武帝乃始稱太皇寶太皇后好老子言蓋寶氏文帝后武帝祖母也

妃 黃帝始有元妃次妃之列此疑妃之初爾國朝皇后下曰皇妃東宮親王世子郡王正嫡皆曰妃

太妃 晉帝母其嫡爲皇太后所生爲太妃按晉哀帝生母周貴人詔崇爲皇太妃其禮自此始也

嬪御 周立天子后立六宮三夫人九嬪二十七世婦八十一御妻漢興因秦之號正嫡稱皇后妾稱夫人又有美人良人八子七子之號至武帝制婕妤娥容華充

古今事物考

卷一

二十

關中叢書

容各有爵位而元帝加昭儀之號凡十四等唐制皇后而下有貴妃淑妃德妃賢妃是爲夫人昭容昭儀昭媛修容修儀修媛充容充儀充媛是爲九嬪婕妤美人才人各九合二十七是代世婦寶林御女采女各二十七合八十一是代御妻自餘六尚分典乘輿服御皆有員次後世改復不常開元時以后下復有四妃非是乃置惠麗華三妃四美人七才人而尚宮尚儀尚服各三參合前號大抵踵周官相損益云

宗室 晉太康九年益封子邁爲隋郡王則宗室封王自晉始也國朝皇帝次嫡子及庶子封爲親王親王次嫡

子及庶子封爲郡王各止封一妃郡王次嫡子及庶子授鎮國將軍從一品孫授輔國將軍從二品各止封一夫人曾孫授奉國將軍從三品止封一淑人玄孫授鎮國中尉從四品止封一恭人五世孫授輔國中尉從五品止封一宜人六世孫以下授奉國中尉從六品止封一安人妾媵不封

公主 公羊傳曰天子嫁女于諸侯至尊不自主婚必使同姓者主之謂之公主蓋周事也秦漢以來使三公主之漢帝女爲公主姊妹爲長公主國朝皇姑太長公主皇姊妹曰長公主皇女曰公主

古今事物考

卷一

二十一

關中叢書

宗室女 後漢帝女皆封縣公主隋唐以來諸王女亦封郡縣主國朝親王女曰郡主郡王女曰縣主郡王孫女曰郡君曾孫女曰縣君玄孫女曰鄉君

選宮人 晉武帝選公卿女備六宮又取良家女入宮後世選女入宮始此

放宮人 漢文帝出宮人令嫁此後世放宮人之始

中官員數 漢明帝置中常侍四人小黃門十人中官有員數始此

中官讀書 傳信錄曰國朝高廟舊制內侍不許讀書識字至宣廟始以翰林官教之于內侍監